




Te Avae Ditema 1958

TE HEHEURAA API

Te Peresideni Apî E To'na Utuafare

Ua tae mai au i teie pae ao moana nei, i te matahiti 1934, ei Orometua. Ua faaea vau i Fakarava, e i Faaité, no na ava'e e toru ra, e i muri a'e i te reira ua haere faahou mai au i Tahiti nei; aita ra i maoro to'u faaearaa i ô lei no te mea ua haere atu vau i te mau Fenua Tuamotu i



nia, oia hoî, i Hao, Amaru, Hikueru, Vahitahi, Makemo e i Marokau atoa hoi. I te hoperaa to'u tau ei Orometua haere faahou atura vau i te fenua Amerika, i te matahiti 1937, ma te mana'o e, e mea maitai roa to'u parahiraa i rotopu i te mau taata Tahiti, e cita paha vau e farerei faahou ia ratou i teie nei ao, e i reira oto ihora to'u aau.

Ua faaipoipobia mana o Ruta, i roto Miti, i te matahiti 1940 e hoo atura maua i te hoê fenua faaapu, e te hoê nânâ puaatoro e riro atura maua ei na taata faaapu ma te mana'o papu e, o te reira te raveraa ohipa, i nia i te fenua nei, i to maua pue mahana i te fenua nei e tae noa'tu i te hopea ra.

E mana'o hape roa râ te reira nō te mea ua maitibia maua, e te Peresideniraa Matamua o te Ekalesia, no te haere mai e faatere i te ohipa o te Misioni i Tahiti nei no te monoraa'tu ia Elita ma.

Tupu ihora te gaōa i te haereraa mai e farerei faahou ia outou, e ia rave faahou i te ohipa a to tatou Fatu i teie nei mau fenua. Ua tupu to matou mauruuru a tae mai ai matou i te farereiraa hoi ia outou, e te iteraa hoi e, te tupu nei e te papu nei te Ohipa a te Ekalesia i ō nei, e te ite atoa-raa hoi e, te vai nei te mau fare Pureraa nehenehe roa e e hamani faahou-bia nei â te tahi atu â mau Fare Pureraa, e te vai atoa nei hoi te tahi Fare Basket i Papeete nei, e te vai noa nei hoi te opararaa no te hamani faahou i te tahi atu â mau fare pureraa.

Te haapaohia nei te mau Amuiraa mataeinaa e te faaterehia nei te ohipa a te Pūpū Peresibutero na te afaro maitai, e te mau ohipa ra, te maitai noa ra e te afaro hoi. E mea tia ia feruri tatou e, eaha ia te huru o te mau taata nei, e mea afaro maitai anei ta tatou mau ohipa e to tatou haereraa i mua i te aro o te Atua? O Oia te ite i te huru mau o ta tatou mau raveraa atoa, no reira, hi'opoa maitai tatou i to tatou iho huru mau e ia imi hoi i te mau ravea ia maitai a'e to tatou oraraa i te ao nei, no te mea o te ravea te reira ia noaa mai, ia tatou, te parahiraa maitai na tatou i tera ao.

Papaihia e Iosepha Peresideni

TE MAHANA SABATI

(Ioane 5 - Mataio 12.)

Te na ô maira te Ture a te Atua, "*A haamana'o i te mahana Sabati e a haamo'a i te reira.*" Ua horoahia mai te reira ture i tahiti ra i te mau taata atoa o tei tavini atu i te Fatu, e ua horoa-fashou-hia mai te reira i to tatou nei mahana. Ia haapao ihoa tatou i te mahana Sabati e ia haamo'a i te reira.

I te tau o te faaora ra, na amui mai te mau ati Iuda tahito i to ratou mau mana'o haru rau i nia i te ture o te mahana Sabati, e i te hopea, mo'e roa'tura ia ratou to'na auraa mau. Ua mana'o ratou e, e hara rahi ia ravehia te hoê ohipa maitai i te mahana Sabati, mai te mana'o, e mea maitai a'e i te vaiiho noa te hoê taata ia manini, i te tauturu atu ia'ua, mai te mea e roohia oia i te peapea i te mahana Sabati.

Ua here o Iesu i te Sabati e ua faatura oia i te reira, area ua ite oia e, e mea tia ia ravehia te ohipa maitai i taua mahana ra, mai i te tahi atu mau mahana ra. E mahana fae-araa, e te haamoriraa te reira, area e mahana atoa e tia ia ravehia te ohipa maitai.

Aita to te ati Iuda feruriraa i nia i te Sabati i au i ta Iesu i feruri ra. I te mahana, a haere ai te Fatu, e ta'na mau pipi na roto i te hoê ana tô popaa, na poia ratou e ua rave ratou i te to e na annu i te reira. Ua pari te mau Pharisea ia ratou i te ofati i te ture o te mahana Sabati.

I te hoê mahana Sabati, haere atura Iesu i te sunago e ite atura oia i te hoê taata ua mārô te rima. Ua rave rahi te mau Pharisea i reira e ite atura ratou, e ravea ta ratou e vai ra no te faahapa'tu i te Fatu ia parau atu, e aore ra ia rave i te hoê mea tei au ore i ta ratou ture. Na ô atura Iesu i te taata ma'i ra, "*A tia mai i nia.*" E i reira ni atura oia i te tahi uiraa i te mau Pharisea, "*O vai ia tātata i roto ia outou na e hoê a'na mamoe e ua mairi i roto i te apoo i te Sabati, e ore e rave atu, e ume mai i nia? E ere anei e maitai rahi to te taata i to te mamoe? E au maori i te ture ia haapao maitai i te Sabati.*"

Parau atura oia i te taata tei mārô te rima, "*A titoo mai na i to rima*"; ua titoo maira oia i ta'na rima, ora roa a'era mai te tahi atoa ra.

Riri roa a'era te mau Pharisea e haere atura ratou i rapae e tahn'a i ta ratou parau e taparahi ia'na, Area haere atura Iesu i rapae e a'o atura oia i te parau i te mau taata e rave rahi e faaora ihora oia i ratou i to ratou mau ma'i atoa ra.

I te tahi atu â taime, e mahana Sabati â, ua haere Iesu i te pape i Beteseda ra. I te tahi mau taime e pou mai te melahi i raro i te pape no te faa tiarepu i te reira, e te taata matamua e tae atu i roto ra i muri a'e i te faa tiarepuraa, e faa-orahia ia oia i to'na mau ma'i atoa ra. E i te mahana i tae atu ai Iesu i reira, te reira te hoê taata, e toru ae ahururaa to'na matahiti e vau tiahapa i te vairaa i te ma'i. Ua rave rahi te taime i tamata'i oia i te haere i roto i taua pape ra, aita-râ oia i tae atu no to'na paruparu rahi, e ua tae atu te tahi atu mau taata hou a'e oia ra.

Haere atura Iesu i pihaiiho i taua taata ra e ni atura ia'na, "*Te hinaaro na oe i te ora?*" Na ô maira taua taata, "*E te Fatu, aita e taata i te tuu ia'u i raro i te pape, ia arepu te pape ra: te haere atura vau, ua reva'tura te tahi na mua ia'u.*" Ma te i to'na aau i te aroha, na ô atura Iesu, "*A tia' a rave i to roi a haere.*" Ora a'era taua taata ra i reira ra, rave ihora tana roi e haere atura; e Sabati taua mahana ra.

Pari maira te tahi pae o te mau ati Iuda i taua taata ra, i te ofatiraa i te ture o te mahana Sabati no te mea te rave ra oia i to'na roi, mai ta Iesu i parau mai ia'na ia rave ra. Pahono atura oia ia ratou, na tei faaora ia'u nei i parau mai ia'u e, a rave i to roi e a haere. I to te mau ati Iuda aniraa'tu ia'na e, na vai oia i faaora, aita taua taata i ite e na vai, ua haamaitai râ oia i te Fatu no te haamaitairaa tei fariihia e ana ra. E i muri iho haere atura oia i te hiero no te pûpû atu i ta'na pure haamaitai. Farerei atura Iesu ia'na i reira e na ô atura, "*Inaha, ua ora oe, eiaha ra ia hara faahou, a roohia oe e te ino roa.*" E i muri iho faaite atura taua taata, i te mau ati Iuda, e o vai te taata tei faaora ia'na. E i reira tupu faahou atura to ratou riri, e titau maira ratou e taparahi ia'na,

Marcel Bonnet

Notre Programme De Sante

La préservation de la santé physique et de l'efficienne mentale est d'une importance suprême pour le bonheur et le bien-être de chaque individu et, par conséquent, un des soucis de la religion. Toutes les religions dignes de ce nom ont essayé de prescrire des règles en vue de la santé physique et mentale de leurs adhérents, car elles ont reconnu le rapport étroit qui existe entre la santé et le bonheur. L'Eglise de Jésus-Christ des Saints des Derniers Jours a toujours considéré la santé physique par le soin du corps et de l'esprit comme une règle religieuse. Cela a été un sujet favori des prédicateurs de l'évangile des derniers jours, et les Saints ont été connus et distingués parmi leurs semblables plus pour leurs observances de la Parole de Sagesse que pour toute autre chose.

Etant donné qu'il croit que le corps de l'homme constitue l'enveloppe terrestre ou habitation mortelle de l'esprit éternel de l'homme, et qu'après tout l'esprit éternel et impérissable ne peut s'exprimer que par ce corps, chaque Saint des Derniers Jours est amené à s'intéresser à la préservation de la santé. De plus, il reconnaît que le corps lui-même est, dans un sens, aussi éternel et aussi impérissable que l'esprit, que l'homme est destiné à conserver à jamais un corps de chair et d'os, et que toutes les expériences personnelles terrestres de l'homme laissent leurs empreintes indélébiles sur le corps et sur l'esprit. En outre, il s'ensuit que la spiritualité d'une personne s'accroît avec le développement de sa volonté et de sa capacité de maîtriser les appétits, les besoins et les désirs physiques.

L'approche la plus directe du sujet de la santé chez les Saints des Derniers Jours est constituée par leurs efforts à vivre conformément à la révélation que l'Eglise a reçue

par l'intermédiaire du prophète Joseph Smith, le 27 février 1833, révélation qu'ils appellent communément la "Parole de Sagesse". Cette révélation remarquable, qui anticipe, au moins de soixante-quinze ans, les tendances diététiques modernes, est divisée en trois parties distinctes. Premièrement, elle explique ce qu'il ne faut pas inclure dans notre régime alimentaire; deuxièmement, elle nous dit ce que nous devons prendre; troisièmement, elle nous fait certaines promesses de bénédictions qui récompenseront ceux qui observent ses enseignements. Les promesses ont paru des plus attractives à ceux qui ont prêché la Parole de Sagesse, tandis que la partie prohibitive de cette révélation a été considérée la plus importante et a été le plus observée parmi les Saints. Il semble que les membres de l'Eglise en retireraient plus de profit encore s'ils portaient d'avantage l'accent sur la partie positive de la révélation.

La Parole de Sagesse enjoint aux membres de ne pas se servir de boissons fortes et échauffantes, ni tabac. Par boissons fortes, nous comprenons toutes les boissons contenant de l'alcool: liqueurs, vins, bières, etc Il est expliqué que les boissons fortes ne sont pas pour le ventre, mais pour laver le corps. Il est définitivement affirmé qu'elles ne sont pas bonnes pour l'homme. Le prophète se servit de l'expression "boissons échauffantes" pour désigner le thé et le café, les boissons échauffantes connues à son époque. Aujourd'hui, cependant, ce terme devrait désigner toutes les boissons qui appartiennent à cette catégorie. Toutes boissons contenant des substances stimulantes non naturelles devraient être éliminées de notre régime alimentaire. Elles ne sont pas du tout pour le corps. Le tabac non plus n'est pas pour le corps, en d'autres termes, il ne devrait pas être employé par l'homme, sous quelque forme que ce soit. C'est une plante pour traiter les contusions et le

bétail malade, mais, même dans ce but, il est recommandé de n'en user qu'avec sagesse et savoir-faire.

La révélation n'explique pas en détail pourquoi les boissons fortes, les boissons échauffantes et le tabac ne sont pas bons pour l'homme, et elle ne spécifie pas non plus une forme ou une sorte particulière de ces articles prchi-bés, ce qui est d'ailleurs heureux. Certainement, l'homme peut découvrir lui-même ce qui est nuisible dans ces produits. En outre, cela le laisse en garde contre toute nouvelle forme de ces produits ou contre tout nouveau produit créant un besoin aussi artificiel que les besoins créés par les boissons fortes, les boissons stimulantes et le tabac, et qui rendent les hommes esclaves.

Les enseignements positifs de la Parole de Sagesse concernent aussi, en grande partie, la nourriture et la boisson de l'homme. Elle recommande l'usage régulier de toutes sortes de légumes et de fruits, dans leurs saisons. La plupart des vues scientifiques modernes s'accordent pleinement avec cette suggestion, comme aussi avec la déclaration que la viande—la chair des animaux et des oiseaux—a été donnée pour l'usage de l'homme. Elle recommande cependant un usage modéré de la viande, "seulement en hiver, ou en temps de grand froid ou famine". Il est indiqué que tout grain est bon pour l'homme et pour les animaux, mais que le blé est spécialement bon pour l'homme. L'orge et d'autres grains peuvent servir à faire des boissons douces, si on le désire. On trouvera ici un rapport très étroit entre ces enseignements positifs de diététique que nous donne la Parole de Sagesse et les suggestions fondamentales offertes par nos spécialistes modernes des questions de santé.

Toni Orometua

Te Pupu QUORUM Peresibutero

PUPU MATAMUA I TE MISIONI TAHITI

Te faatae atu nei teie Pûpû (quorum) i to'na mauuru i te faatere no te ve'a, Te Heheuraa Apî, no te farii maitairaa i te tu'u na roto i ta'na ve'a, te mau parau apî no te pûpû iho e te mau parau faaite e faaitetia i to'na mau melo Peresibutero i roto i te mau amaa no Tahiti, Tubuai, Huahine, e Raiatea ma, i te mau ava'e atoa. Mauuru:

To Tatou Rahiraa: E faaite haapapu faahouraa'tu teie, i raro nei, i te rahi o to tatou taio i roto i te pûpû Peresibutero, e to ratou mau amaa:

1- Amaa	Papeete, reo Tahiti . . .	37	Peresibutero.
2- Amaa	Papeete, reo Farani . .	7	"
3- Amaa	Paea, Paea	4	"
4- Amaa	Taahuaia, Tubuai . . .	9	"
5- Amaa	Mahu, Tubuai	5	"
6- Amaa	Ziona, Tubuai	4	"
7- Amaa	Huaabine, Huabine . .	2	"
8- Amaa	Cumora, Taha'a	2	"
9- Amaa	Avera, Raiatea	1	"
10 Amaa	Uturoa, Raiatea	1	"

Amuihia, 10 Amaa. Amuihia, 72 Peresibutero

No Tubuai Mai: I te ava'e Setepa ra, ua baptizo to tatou taeae o Iosepha Beneteau, te tauturu piti i te peresideniraa o te Pûpû Peresibutero, hoê taata faafariuhia mai, e e piti na tamarii, i roto i te ekalesia nei, i Tubuai. E i te ava'e Atopa ra, e peresibutero mauini ia tei faa-fariuhia mai i roto i te ohipa na roto i te oro'a tatarahaparaa. Te faatae atu nei te Faatereraa i te mauuru rahi e te oaoa i te pûpû (quorum) no Tubuai. Faaitoitō!

No Paea Mai: I te pô i te 7 no Atopa i mairi iho nei, ua faatere te pûpû no Paea i te hoê cinemaraa rahi roa i roto i te piba nehenehe amuiraa o to ratou Fare Pureraa

apî i Paea. Ua faaterehia teie nei raveraa i raro a'e i to ratou Faatere Pūpū, o Toofa a Ahuroa. Na roto i te rahi o te taata tei tairuru atu i reira, manuia maitai atura teie nei opuaraa faahiahia tei ravehia e ratou, i taua pō ra. Maurūuru e te Pūpū no Paea!

No Papeete Nei: I te po te 25 no Atopa i mairi iho nei, ua faatupu amui na Pūpū no Papeete nei, te reo Tahiti e te reo Farani, i te hoê fariiraa oaoa no te Peresideni Misioni, o Elita, e to'na utuafare, o tei faaineine i te ho'i atu i to ratou fenua aia. Ua putuputu amui mai i reira no na Amaa e piti, te mau utuafare Peresibutero atoa no Papeete. Ua faarahi roa hia te oaoa o teie nei fariiraa, na roto i te rahi o te maa e te mau amu-amu-raa tei faai maha maitai i te taatoaraa. E mau taoa huru ran e te n'henehe ta te Pūpū i pupuhia i to tatou Faatere Nui, o Elita te Peresideni Misioni, e to'na utuafare.

Te Maitiraa I Te Mau Toro'a Faatere No Te Pupu Peresibutero: Te pūpū o te mau peresibutero, e faaterehia ia e te hoê Peresideni o tei maitihia e te Peresideni no te Misioni, i te vahi mau no reira iho te pūpū. E i muri iho ra, ei reira ia te Peresideni o te pūpū i maitihia ra e maiti ai i to'na tauturu piti e te papai parau hoi, maite faatiahia e te Peresideni no te misioni e te mau melo atoa hoi no te pūpū. I te ava'e Setepa, matahiti 1956, i reira ua faatiahia te pūpū peresibutero matamua i roto i te misioni Tahiti nei. I reira, na maitihia iho o Taumata Mapuhi a Tekuravehe ei Peresideni matamua no te pūpū. Ua maiti hoi oia ia Tinoma â Hauata, tauturu hoê, o Joseph Beneteau, ei tauturu piti e o Huri â Maire, ei papai parau. O te peresideniraa ia teie no te pūpū peresibutero matamua no te misioni nei.

Te faatae nei te peresideniraa i to ratou mauruuru i te mau pūpū atoa no te mau amaa tei faaitihia i nia nei, no te faataeraa mai i ta ratou tabula "faaiteraa ohipa" i te hopea no te mau ava'e atoa i mairi a'enei. Mauruuru!

Taumata Tekuravehe

Na Huru Haapiiraa E Piti

I roto i te hoê haaputuputuraa rahi taata, ua tia maira te hoê hoa Evanelia, e na ô maira oia e: Eaha te faufaa no te Buka a Moromona, tei ia tatou te Bibilia. (Ua pahono van) Oia mau ta'na tei ia tatou te Bibilia. Area râ ua hape to te ao nei i ta te Bibilia haapiiraa. Ua papaihia i muri nei te tahi na haapiiraa e toru ahuru ma ono, tei haapiihia e te mau haapaoraa êê, o tei ore i au i ta te Bibilia haapiiraa. E no te haapiiraa'tu i teie nei mau parau hape, ua papu roa ia ia tatou e, ua au roa i to te ao nei te Evanelia i faahoihia mai e te melahi, mai tei hohuhia e Ioane o tei papaihia i roto i te Apokalupo 14:6-7.

Te haapii-noa-hia nei teie nei mau haapiiraa huru ê e te mau Ekalesia o te ao nei; eiaha râ te Ekalesia a Iesu Mesia i te Feia Mo'a i te mau Mahana Hopea Nei, te tamau nei ia i ta te Bibilia, na te mau faaauraa i muri nei, oia hoi, ta te haapaoraa êê, e ta te Bibilia, e haapapu mai ia tatou e, ua au roa i teie nei mahana te mau heheuraa e te maramarama apî no nia i te Evanelia mau.

Te Haapaoraa êê

E varua ana'e te Atua, aore to'na e tino i'o e te ivi

Te Bibilia

Ua hamanihia te taata ma te huru e te hoho'a o te Atua ra. Genese 1:26-27. E tino i'o e te ivi to Iesu Mesia i to'na tia-faahou-raa ra e mai ta Paulo i faaite mai, e hoho'a mau ia no te Atua iho. Hebera 1:3

Te Haapaoraa êê

E Metua te Atua no tatou i te hoê huru fifi e te papu ore.

Te Bibilia

Adamu to tatou metua i te pae au tino nei e e tamaiti oia na te Atua Luka 3:38 Ua haapii mai o Paulo e, e mau tamarii tatou na te Atua. Ohipa 17:28-29. E e metua atoa hoi te Atua no to tatou mau Varna. Hebera 12:9

Te Haapaoraa êê

E ere Iesu Mesia i te tamaiti fanau-tahi na te Metua i te tino nei.

Te Bibilia

E tamaiti fanau tahi oia na te Metua ra. Ioane 1:14

Te Haapaoraa êê

E ere Iesu i te taata ê i te Atua.

Te Bibilia

No ô mai Iesu Mesia i te Metua. E na pure atu oia i te Metua. E na pee atu i te Metua e te tia noa nei i te rima atau o te Metua, Ohipa 7:55. Te haapii papu mai nei teie parau e, e mea taa ê roa Iesu Mesia i te Metua i te pae tino.

Te Haapaoraa êê

Aita roa Iesu Mesia i tia-faahou-mai i nia ma te tino i'o e te ivi.

Te Bibilia

Te na ô maira Iesu i muri a'e i to'na tia-faahou-raa mai, a hi'o maina i tau rima e tau avae, o vau mau â a fafa mai na ia ite outou: aita to te Varna e i'o e te ivi mai tau nei ta outou e hi'o mai nei. Luka 24:39 Ua anihia maira Toma e Iesu ia fafa mai i te puta auri i roto i to'na rima e to'na aono. Ioane 20:27 Aita to Iesu tino i vaiihohia ia tahuti noa ra. Ohipa: 2:31

Te Haapaoraa êê

E ere ia te Torutahi i taata êê tootoru.

Te Bibilia

I to Iesu Bapetize-raa-hia tei roto i na vahi taa ê e toru i te tainie hoê, te Atua, te Tamaiti, e te Varua Maitai. Mataio 2:16-17 I muri a'e i to Iesu peeraa'tu ua itehia oia i te pae atau o te Metua ra. Ohipa 7:55 No ô mai te faaa'o i te Metua. Ioane 15:26 No reira, na taata taa ê tootoru ratou, te Atua, te Tamaiti, e te Varua Maitai.

Te Haapaoraa êê

Te huru hoêraa o te Metua, te Tamaiti, e te Varua Maitai e hoêraa mau ia: eiaha e mana'o e, e opuaraa rotahi ana'e.

Te Bibilia

Te na ô maira Iesu i to'na pureraa i te Metua, Ia hoê a'e ratou mai ia taua atoa nei â. Ioane 17:11 Te hoêraa ta'na i pure nei i te Metua ra o te hoêraa ia i to ratou here e te ohipa, e te mana. etc Teie ia te hoêraa o te Metua, te Tamaiti, e te Varua Maitai

E Tuatihia i Teie Ava'e i Mua Nei


Josepha Beneteau

E Parau Taa-ê-raa

E homa, e te mau melo no te Ekalesia a Iesu Mesia, tei parauhia o te Momoni, e te mau hōa no rapae. Ia ora na outou na roto i te i'oa o Iesu Mesia, Amene.

O teie paha ta'u parau hopea ia outou, no te mea, i te hopea o teie nei ava'e Novema, e haere faahou atu ai au i to'u fenua ai'a ra. Ua rahi te mau fenua ta'u i parahi haere, e aore ra, tei farereihia e au i to'u tere-noa-raa na nia i te mau pahi, i te mau paeau fenua i raro, oia hoi, o Raiatea, o Tahaa, o Huahine, te mau Mataeinaa no Tahiti nei, o Tubuai, o Hikueru, o Makatea, Taega, Nihiru, e o Makemo, e te tahi atu â mau motu i te Tuamotu. I teie nei ra, te hinaaro nei au i te faaite atu, ia outou paatoa, to'u maururu, to'u aroha e to'u here ia outou, e e mea au roa, na'u, teie mau paeau fenua nei.

Ua maururu roa vau i te mea ua maitihia vau, e te Atua, na roto Ta'na Peropheta ora nia iho i te ao nei, no te haere mai i Polinesia Farani nei, no te poro haere i Ta'na ra Evanelia no na nelia, e aita atoa hoi au i roolua i te ma'i noa'tu ua tau roa te maa ta'u i amu e te huru o te tau i onei. Ia'u nei ra, e fenua maitai roa teie e ua na reira atoa hoi te mau taata o teie mau fenua.



matahiti e piti e te afa. I roto i te reira taime ua tupu roato'u faaroo e to'u tiaturiraa, i te papuroa-raa. Ua haamaitai roa hiavau, e te Atua na roto i to'u ite-riri-raa i te re'o maohi, e te Eva-

I te mau taata tei tanturu e tei farii ia'u, i teie na matahiti i mairi a'enei, te parau atu nei au, maururu ia outou. A faaitoito outou i te haapao-maitae-raa i te mau faaueraa a te Atua, no te mea e rave rahi te mau mea, o te ao nei, o te

tamata nei i te aratai ia tatou i te mau vahi ê atu. Eiaha outou e vare i te reira. A ini maite i te parau a te Atua e a haapao i te reira ma to outou puai atoa ra; mai te mea e haamau outou i to outou iho mau oraraa i nia i te parau a te Atua, e maitai ia outou. Te ini nei tatou i te ora mure ore e te vahi tei reira te horoaraahia mai te mau mea atoa, e tei reira atoa hoi te mau titauraa e rave rahi. (Luka 12:48). No reira, ua rahi te mau mea tei titauhia ia rave tatou ia tia ia noaa, ia tatou, te parahiraa maitai roa.

A haapii maitai i ta outoa mau tamarii (Maseli 22:6; Mosia 4:14-15). Teie ia te hoê ino rahi tei itehia e au i teie pae o teie nei ao, oia hoi, aita roa te mau metua e haapii maitai roa nei i ta ratou mau tamarii; ua haapii rii râ ratou, aita râ i haapapu maitai i te reira mau haapiiraa. Te vaiiho noa nei te pae rahi o te mau metua, i ta ratou mau tamarii, ia ori haere noa aore e tiairaa ia ratou. O te purumu tei riro ei haapiiraa na te mau tamarii, e ere ra te utuafare. Ua ite ihoa outou e, e ere te mau purumu i te haapiiraa maitai no ta outou mau tamarii, no reira i rahi ai te mau mea iino i teie nei paeau fenna nei. Maite mea na ite outou ite reira, no te aha aita outou i faaore roa i te reira mau huru ohipa?

Ua parau mai te tahi mau taata ia'u e, na haapii ratou, i ta ratou mau tamarii, area ra, e ohipa rahi roa te reira e aita te mau tamarii i faaroo ia ratou i muri iho. E ohipa rahi mau ihoa te reira, e ere i te ohipa ohie, tera râ aita te mau metua e tamau nei i te haapii atu i ta ratou mau tamarii. Eiaha roa outou e faatau i te raveraa i ta outou mau tufaa ohipa; aita roa te mau tamarii maohi e ite maitai nei i to ratou iho reo e aita atoa hoi ratou i ite i te mau mea no te oraraa mâ e te maitai, no reira, aita atoa ratou i ite i te rave ohipa maitai e na te reira e haaparuparu nei e e haapouri nei i teie nei nunaa taata.

Na te Atua iho i horoa mai, ia ratou, ia outou, no reira a haapii maitai atu ia ratou e a aratai atu ia ratou i te mau vahi maitai e eiaha roa e faatia, ia ratou, ia haere i te mau vahi iino, mai te mea eita outou e no reira, e faahapahia

outou e te Atua no te mea aore outou i haamaitai i te mau taleni ta'na i horoa mai na outou. No reira, a here atu i ta outou mau tamarii, eiaha e vaiiho atu i ta outou mau tamarii, eiaha e vaiiho noa, ia ratou, i roto i te ino.

A faaitoito, e homa, e a haamana'o maitai e, "*E hinaaro oe i to Atua ia Iehova ma to aau atoa, e ma to varua atoa e ma to mana'o atoa, e ma to puai atoa. O te ture matamua teie e te hau i te rahi.*" (Mareko 12:29-33; Matiaio 22:36-40).

Ua ite papu roa vau e, te vai nei te Atua ora, te Metua Mure Ore e Ta'na Tamaiti fanau tahi, o Iesu Mesia, i na i te ra'i ra, e ua tonohia mai te varua Maitai i nia iho i te ao nei, no te feia parau-tia, e te vai nei te hoê noa iho Ekalesia Mau a te Mesia, i nia i te ao nei e ua mairihia oia i to'na ra i'oa. E mai te mea e pee tatou i te parau a te Atua, i te mau mahana atoa, e e tomo tatou i roto i Ta'na ra Ekalesia, e roaa mai ia te ora mure ore ia tatou.

No reira, te haamaunuru atu nei au ia outou paatoa, ma to'u aau atoa e te aroha'itu nei an ia outou e tae noa'itu i to tatou farerei-faahou-raa, e a faaitoito outou atoa na roto i te i'oa o Iesu Mesia, Amene.

Robert Orometua

PARAU RII API

Te Amuiraa I Raiatea Ma.

Te opua nei te Peresideni o te Misioni, e te mau Orometua, i te tere atu i Huahine, Raiatea, e i Pahure Tahaa, no te faatereraa i te hoê Amuiraa mataeinaa, i te hebedoma matamua no te ava'e no Ditema nei. E tere atu ratou na nia i te pahi ra o "Paraita" ma te tapae atu i Huahine, no te rave i te tahi mau melo i reira, e mai reira haere atu ai i Raiatea. E haapaohia, i reira, te hoê pureraa no te haamauraa i te Ofai Tihi o te Fare Pureraa Api, i Uturoa, te Fare o te Atua, e ia tae i te mahana pae, ravehia'tu ai, te mau taata no Raiatea no te afai atu ia ratou i Patio Tahaa. E haapaohia, i reira, te tahi mau pureraa, e te tahi atu mau ohipa, i te mahana maa e i te Sabati atoa hoi, e ia oti te mau ohipa i faatahia i reira, e afai faahou-mai te pahi i te mau taata, i to ratou mau vahi, oia hoi, i Uturoa, e Huahine, i te mure. E mea papu e riro te reira Amuiraa ei taime oaoa

no te mau taata o tera mau pae fenua i raro ma. E haere atoa'tu te utua-fare o te Peresideni Misioni, e na vahine Orometua, e te tahi pae o te mau Orometua o Papeete.

Te Mau Fare Faacaraa

Ua tomohia a'enei te tahi mau fare faacaraa no te mau tane, o tei haere i te haapiiraa Teitei, a te Ekalesia i Utaha, i te 7 no Novema i mairi a'enei. Ua mairihia te i'oa o taua mau fare ra, "Te mau Fare Helamana", no roto mai i te Buka a Moromona. E mau fare tei patuhia e e faaea e 1.638 tane i roto i te reira mau fare, oia hoi, e 234 taata i te fare hoê. Ua haama-u'ahia e 5.000.000 tara moni marite no te paturaa i te reira mau fare e ua mairihia te i'oa o taua mau fare tataitahi ra i te i'oa o te tahi mau tane aravihi o te Ekalesia.

Te Hoho'a No Ta Tatou Ve'a. Te Fare E Te Tii Haamanaoraa ia Iosepha Semita

Ua itehia te hoê fare, e te tahi tii i pihaiihotei faatiahia i nia i tefenua i Sarona "Sharon", i te matainaa ra o Winetora "Windsor", i te tufaa fenua rahi i parauhia ra o Veramona "Vermont" i te pae i te hitia o te ra i te fenua Amerika. I roto i teie vahi ua fanauhia mai o Iosepha Semita te peropeta matamua no te Ekalesia a Iesu Mesia i te Feia Mo'a i te Mau Mahana Hopea nei. Ua fanauhia mai oia i te 23 no te ava'era Ditema i te matahiti 1805. Na'na te Buka a Moromoha i iriti mai, e na'na hoi te Ekalesia a Iesu Mesia i faatia mai ite matahiti 1830.

Na mua rii a'e i to'na taparahiraahia ua farerei te hoê tavana oire, o Iosia Quici, ia'na mai te haapapu i to'na huru mau. Ia oti to'na farereiraa ia'na papai ihora oia i te hoê uiraa o te na o mai e: "O vai te hoê taata Amerika o tei hau roa'tu i te faatere e te tauturu i te mau taata Marite i teie nei anotau? E teie ta'na pahonora i taua uiraa ra: "E riro ia e o Iosepha Semita te peropeta Moromona."

Aita â te mau mea'toa i tupu mai tei tohuhia, area râ, na roto ia'na ua faatiahia te Ekalesia a Iesu Mesia i te tau hopea nei, e mai to'na haamataraa i te matahiti 1830 ua bapetizohia te mau taata e rave rahi e tae noa'tu i teie nei, ua tae to'na meloraa i nia i te hoê milioni e te afa.